

# E A TOKI ANA MAMATAKU JANEELYN

*E rangi ni kan noora te  
witeo are i mwiina. Ao are  
i mwina. Ao are i mwina.*

**Iroun Charlotte Larcabal Speakman**  
(E boboto i aon te karaki ae koaua)

*E riki te karaki aei i Malaysia.*

E kabuta waebuan baina Janeelyn iaon tikuriinin ana tareboon. A kaoti taian witeo. E toki ao e matakū n teuana, i mwiina e manga kabutia riki. I mwiina e a manga tei naba ao e matakūakina teuana. Iai taetaena aika mwaiti aika a buakaka, ma e kakamanga, ngaia are e reitinako ni matakū. Ao i mwiina e reitinako ni kabutia.

“Janeelyn! Ko kan nakomai ni korotamnei?” E katiotioa te mwakoro ni beeba tarina ae uarereke riki ae Jojo.

E tararake Janeelyn. “Tiaki moa ngkai.”

“NGAIA.” E mata n un Jojo ao e karuoa ana beeba.

*Kabutia. Kabutia. Kabutia.* Tamneia maan aika kakateke.

Tamneia aomata aika a rangi ni kinaaki. Tamneia ataei aika a mwaie. Ao tabeua riki witeo ake e ataia Janeelyn bwa aki rangi n tamaroa matakūakinaia.

NGAIA, tao e raka riki nakon ae ti tabeua. E a moanna n namakinna Janeelyn bwa e a riai ni katoka matakūakinaia.

*Ma a katokai naba bwaai aika a mwaiti aika a raoiroi aomata,* e iango. E a bwaati naba aron korotamnei aika a booū man tabeua witeo.

“Janeelyn,” e wewete Tinana.

“Hmm?” E aki kan tararake n te tai aei Janeelyn.

“Ti na kang raiti ae baaniaki ma amwaraken taari n te tairiki aei,” e taku Tinana. “Ko kona ni buokai, ni karaoia?”

E tatangira amwaraken taari Janeelyn ae baniaki ma te raiti. Ma e aki kan teirake moa n te tai aei.

“I kona n tii bairea aon te taibora?” e titiraki. “I kan ibuobuoki ma amwarake naba i mwiina.”

“E tamaroa anne,” e taku Tinana. “Ma ko riai ni karaoia ngkana I tuangko. Ao i mwiina e a boo te tai are e na kaoka iai te tareboon. E reke?”

“E reke,” e taku Janeelyn.

E teimatoa ni matakūkini witeo Janeelyn. I mwiina, e namakinna bwa e riai n aki matakū iai. Ma e rangi n kan noora te witeo are i mwiina. Ao are i mwina. Ao are i mwina. *Kabutia. Kabutia.* E rang kangaanga katokana!

N tokina e a katuka te tareboon Janeelyn. Eng, tao e kona ni matakūakina te kabanea ni witeo . . .

*E tau,* E kamatoa ni bon nakoina Janeelyn. E wirikiriki nakoina te Tamnei ae Raoiroi, ao e tangiria ni kan ongo. A teimatoa ni kaan baina ma te tareboon. E rangi ni kariiria te nano! E kamatoa ni kamakiia matana Janeelyn.

*Tamara are i Karawa ae ko tangiraki,* e tataro ni kainabwaabu. *I rangi n kataia ni kakauongo nakon te Tamnei ae Raoiroi, ma I kainnanao te ibuobuoki. I tangiria ni katoka matakūakina witeo aikai, ma I aki koaua bwa e kanga arona. N aran Iesu Kristo, amen.*

Bon i mwiin anne, e weteia tinana bwa e na katauraoa te taibora. E waekoa n teirake Janeelyn ma te moangare. Anne teuana te kawai ni buokia ni kiitana te tareboon.

E katokai raurau Janeelyn iaon te taibora. “Tinau , I noori tabeua bwaai aika a buakaka iaon te tareboon,” e kaotia.

E taraia mai i aon ana kuuka. “N aekakin baikara?”

“N ai aron, taeka aika a buakaka, ao witeo aika a buakaka.” E katea kaina Janeelyn. “Ma e aki *bane ni buakaka.*”

“Tera ae e ko na karaoia ngkana ko noora te bwai ae buakaka?” E titiraki Tinana.

E kainabwaabu Janeelyn n te tai ae uarereke. E katikui mwangko n neia nako.

“I teimatoa ni matakūakina,” e taku. “I aki ataia bwa bukin tera. Ma e tuangai te Tamnei ae Raoiroi bwa N na katokia, ngaia are I a tataro ni karekea te ibuobuoki.”

E katoka te raiti ae baeniaki ma amwaraken taari ae bue iaon te taibora tinana. “N tabetai e kangaanga katokan karaaon bwaai riki ngkana ti ataia bwa e buakaka,” e taku. “Ao ngkana e riki anne, te bwai ae tamaroa ae ti kona ni karaoia bon te tataro.”

E wiingare Janeelyn. “Nanona I a tia ni karaoa ae eti.”

“Eng ko bon tia ni karaoia.” E angan Janeelyn taian buun tinana bwa e na katokai iaon te taibora. “Ao e aki buakaka te intanete. E kona ni buokiira n reitaki ma

raoraora ao n tibwai ara iango. Ma e kona n rangi ni kangaanga bwa ko na kararoako man bwaai ni kabane aika a buakaka naba. Man te tai aei, ngkana ko na matakū n te witeo, ti a uaia ni matakū iai. N te aro anne ti kona ni buokiko Ngai ma Tamam ngkana ko noora te bwai ae buakaka.”

E katoutoua atuuna Janeelyn. Ngkana e matakū n te witeo are i mwiina ao ai raona Tamana. Ma i mwiin anne, a rangi ni mwaiti bwaai aika a kakukurei are e kona ni karaoi n akea te tareboon.

“Ko kona n tuangiia te koraki bwa e a boo tain te katairiki?” E titiraki Tinana.

“Eng! Ao i mwiin te katairiki, N na korotamnei ma Jojo!” ●

